

連橫杯中華詩詞大賽徵書法作品活動

序號	名次	作者姓名	地區和單位	詩詞名	作品內容	體裁
1	評委	譚南周		詠連橫先生	名山青史兩崔嵬，湖上風光難慰杯。 只是鯤身淪敵手，長留國恨痛家哀。 詩文有幸傳千古，道德於今重九垓。 一卷宏編誰得似，子長直筆賈生才。	七言律詩
2	評委	練歡		讀連橫先生《臺灣通史》有感	一卷風霜事未遙，凌雲劍氣不曾銷。 東游飲馬長城窟，南渡聞鷗曉月橋。 弦絕唐音悲上國，魂招詩客賦前朝。 斑斑青史家山恨，付與蒼茫鯤海潮。	七言律詩
3	評委	羅永珩		庚子深秋，步韻雅堂先生鷺江秋感四首，時值《臺灣通史》出版100周年	渾茫海色一天秋，迴眺煙波萬里舟。覽古讀碑猶負氣，登高舒嘯且銷愁。 先生昔日心徒切，大國今時計未周。浩蕩風來雲漠漠，憑誰指問菊開不？ 萬頃波濤滄海東，憑欄極目送飛鴻。歲當庚子乾坤異，秋入煙雲氣象雄。 隔岸新城連嶺碧，遙天落照半江紅。山川飽看真無恙，自信吾曹道未窮。 當時煙水證存亡，獨抱微軀泛海航。破碎詩箋餘感慨，縱橫史筆有篇章。 秋心落落悲衰世，巨著煌煌記國殤。此日鷺江風景異，應教遊子早還鄉。 餘暉脈脈暮雲斜，剪影滄波泛海槎。兩岸陰晴嗟世事，百年憂樂入琵琶。 吟秋自見丹心照，著史更添雙鬢華。今我遲來同指顧，無邊光景送飛鴉。	組詩七律四首
4		黃錦勳		紀念連橫先生《臺灣通史》出版100周年有作	飄搖寶島幾沉浮，千載滄桑一卷收。 筆掃風煙繼遷固，心憑律呂寫春秋。 孤飛不墜青雲志，百折長懷赤子憂。 先哲有靈應有問，何時圓夢補金甌？	七言律詩
5	一等獎	耿振元	天津	懷連橫	身倚南溟海峽東，中原極望悵無窮。 夢邊寶劍才鳴壁，胸次豪情已化虹。 慷慨游方儒欲棄，殷勤著史意何崇。 毫端一片風雲集，曾向千秋托素衷。	七言律詩
6	二等獎	沈忠輝	遼寧葫蘆島市 煙雨樓詩社常務理事	值《臺灣通史》出版100周年追思連橫先生	萬裡鉤沉向海隅，連家有士志尤殊。 文多奇氣追司馬，筆挾雄風壓董狐。 魂夢瀛洲秦月冷，東南煙嶼片雲孤。 自君修得臺灣史，一抱江山入版圖。	七言律詩
7	二等獎	李聲滿	湖南省瀏陽市	讀連橫先生《臺灣通史》	家國茫茫共陸沉，飄搖風雨入曉音。 文章太史真椽筆，簫劍平生豈浪吟？ 煉石補天愁不見，銜枝填海恨猶深。 弟兄好在應攜手，呼起騷魂自碧岑。	七言律詩

連橫杯中華詩詞大賽徵書法作品活動

序號	名次	作者姓名	地區和單位	詩詞名	作品內容	體裁
8	二等獎	方正卿	安徽省安慶市	為連橫公《臺灣通史》題	積年都作海隅客，亙古深愁佇舊台。 信史真成董狐筆，著書豈讓賈生才。 感時風雨身多恨，歷劫關河眼欲開。 今我讀餘嘗涕淚，秋窗黃葉復相摧。	七言律詩
9	三等獎	唐龍	福建省福州市 逸社祭酒，荀社副社長	連橫先生歌	憶昔干戈亂神京，浮槎蓬島待鳳鳴。縱陷倭夷染疆色，風俗不改舊朱明。 乃聞奇子孕奇地，宜秋山房論豪英。文章自許千人敵，海陬蒼茫授讀耕。 橫槩蒼涼中原望，擊楫馬江路難行。矢志要揮春秋筆，欲報臺灣化育情。 通史真秉馬遷例，嘔心竟得大功成。遂教島民知源脈，士林幕府皆服膺。 隔岸槍炮忽震耳，星火燎原壯士驚。移榻抵掌呼同志，出關跨江意縱橫。 魚龍混雜元氣沮，劍氣簫心自此輕。歸來寂寞老書肆，遺恨猶囑兒孫名。 先生乘鶴已百載，而今兩岸更經營。還須瓣香逢秋夜，海峽明月共潮平。	七言排律
10	三等獎	葉兆輝	重慶市 渝州詩協理事。魁星樓主人，岷社，風零詞社成員	讀連橫《臺灣通史》	欲起斯人對酒談，管窺天海紀曾諳。 遙聞史籍須持贈，何意驪珠得獨探。 百載藏舟心守一，十年集腋卷分三。 名山雅業驚風雨，幸有馬遷餘筆簪。	七言律詩
11	三等獎	蔡文帛	福建省晉江市	題連橫《臺灣通史》	家國興亡鑒戒疏，百年風雨裂坤輿。 豈無才士窮經笥，定有文光射鬥墟。 合璧何時空荏苒，闢牆此際倍躊躇。 思量台史今之重，幸賴先生椽筆書。	七言律詩
12	三等獎	謝良喜 網名謝郎	江蘇省高郵市 滄海詩社社長，吳門詩社副社長	丹青引懷臺灣太史公雅堂先生	先生名節世所聞，少小豪情自不群。一屋不掃為天下，廿年輾轉剩斯文。 台陸之間殫心血，回看萬事若浮雲。老去夫子思編史，欲憑椽筆敵千軍。 憶昔倭賊勢如掃，清庭割據何草草。遂令千秋禹貢地，一旦海外成孤島。 應嗟彼輩善侵蝕，劇憐漢室難自保。英雄業復無足憑，惟餘精神契吾道。 公之文章信煌煌，引經不乖漢與唐。考證非為順形勢，編書豈獨鑒興亡。 台嶼千年分合史，人間已曆幾海桑。君看世界多變幻，獨有吾華國祚長。 通史編成驚宇內，董筆由來孰可改。時人譽比太史公，紀年亦復顯文彩。 偽政終難斥其非，遂教斯文重鼎鼎。至今倘溯當年史，雅堂英名千古在。 公歿志猶遺後賢，家祭無忘赤縣天。要使兩岸成一統，讜論何曾悖民權。 他日台海應無浪，恩怨一例化雲煙。始信先生存卓識，青山青史共千年。	七言排律
13	三等獎	栗俊如	武漢市	讀《台灣通史》七律三首	天下爭名一世雄，此心不負聖賢功。四朝事業成何似，萬裡江山得未窮。 大節豈期身外物，高風終古海東公。人生到處皆為樂，獨覽青編看夕鴻。 日月潭前猛虎行，誰言王道已無名。六朝宮殿餘煙草，四海波濤變血聲。 一意孤忠心未死，千秋大節氣從橫。中原優勢今何在，空說澎湖淚自盈。 一生慕許赴邊州，南未登臨北已遊。白髮流雲懷日月，高山鼓浪記春秋。 心中碧波波濤起，目外金門夕照浮。國史問奇從此始，研經不必嚮丹丘。	組詩七律三首

連橫杯中華詩詞大賽徵書法作品活動

序號	名次	作者姓名	地區和單位	詩詞名	作品內容	體裁
14	三等獎	李英	遼寧省大連市	祭連橫	宜秋山館任秋聲，故國山河識晦明。 輾轉堯疆仍大好，飄搖宗社系英雄。 一支狐筆夾雷鼓，萬卷詩章隱伏兵。 莫惋澎湖無傳志，滿編通史認賢名。	七言律詩
15	優秀獎	羅偉	上海	讀《臺灣通史》懷連橫先生	不帝秦師奕代同，一身只為國謀忠。 劉琨意氣風澄海，司馬文章日照空。 慷慨悲歌天下士，縱橫議論世間雄。 此生絕學何人嗣，笑看兒孫有戰公。	七言律詩
16	優秀獎	梁小萍	江蘇省鹽城市	懷思連橫公	飽讀前賢書，獨秉史公筆。典冊盡搜尋，片紙不令失。 台島時沉陸，愁煙竟蔽日。通史十年就，冰霜有久質。 志氣凌重霄，此間心血畢。朝昏無悠閒，二毛生雅室。 辦報更積勞，自作一小卒。白社吟詩處，思家在閩越。 劍戟夜放芒，欲搗狐兔窟。英雄淚滿襟，病來亦倏忽。 細囑子孫知，風雨必將發。騏驥會得翼，戰地當馳突。	五言排律
17	優秀獎	顧睿	江蘇南京	詠連橫	一生長物是雕蟲，克繼文章太史公。 丘壑胸藏言吐屑，鯨鯢筆掣氣吞虹。 棘棲鸞鳳信非久，陳厄弦歌竟不窮。 身遠江湖思魏闕，知君未肯避墻東。	七言律詩
18	優秀獎	李紹平	河北省平鄉縣	懷雅堂先生	誰堪割讓忍蒙羞，仗劍來從故國遊。 塞上秋風悲黍稷，客中鬢影看吳鉤。 鮫人泣淚倭塵暗，椽筆傾情古史修。 應恐摧殘民氣盡，千年根脈溯源流。	七言律詩
19	優秀獎	吳少郎	福建南安	讀連橫《臺灣通史》	板蕩淒涼黯戰雲，武公揮翰掃三軍。 青山青史應同在，吾土吾民豈可分。 直筆終教成此作，蒼天不許喪斯文。 書生報國傾肝膽，竹帛留芳堪沐熏。	七言律詩
20	優秀獎	喬豪桂	湖北省鶴峰縣	值《臺灣通史》出版100周年懷連橫先生	圖書天下得知聞，海岸曾經起瘴雲。 蕭鼓聲中悲故國，樓臺影外惜斜曛。 百年風雨誰堪問，一代文章自不群。 今日河山人盡賞，英紅時節更懷君。	七言律詩
21	優秀獎	曾滔	貴州省貴陽市	詠連橫	曠代斯文歎未窮，一編青史補天功。 江山何改當年秀，人物爭傳舊日雄。 匣底劍花霜可淬，筆端詩草古能同。 亂離不絕冰心在，想憶蒼顏對酒紅。	七言律詩
22	優秀獎	嶽泓坤	四川省成都市	《臺灣通史》首版百年有懷連橫先生	赤縣滄桑又百年，蓬瀛島嶼尚孤懸。 萇弘碧血凝青史，杜宇哀音起暮煙。 解道春秋司馬筆，驚看風雨少陵篇。 今朝寄意先生處，應識西湖載酒船。	七言律詩

連橫杯中華詩詞大賽徵書法作品活動

序號	名次	作者姓名	地區和單位	詩詞名	作品內容	體裁
23	優秀獎	楊懷勝	山西省應縣	《臺灣通史》出版一百周年兼懷 連雅棠先生	情融寶島又何妨，夢裡龍溪是故鄉。 風骨經霜凝碧血，劍花曆火見青芒。 平生執念兩司馬，百載豐碑一史章。 巨卷輕翻肝膽重，我公誠不負炎黃。	七言律詩
24	優秀獎	伏滾	湖南省汨羅市	題連橫先生	一秋多事倍傷神，水陸天涯幾度春。 只手何堪當國難，匹夫猶可濟生民。 筆頭經緯標千尺，紙上風雲抵萬鈞。 青史書成終有告，源流指引後來人。	七言律詩
25	優秀獎	王廣華	江蘇省泰州市	次韻連橫閩中懷古一組	文武允天縱，軒昂出古臺。陸途詩草長，海曲劍花開。 逐鹿賚前志，釣龍膺上才。陶公傾慕久，鷺島去歸來。 雅堂多墨色，何意血光來。國士衝冠怒，家園動地哀。 探春憂苦雨，擊楫愧雄材。木石難填海，銜悲到硯臺。 縱橫計難就，慷慨起長風。海陸諸方變，春秋一史通。 馬關潮漸落，鹿耳氣猶雄。幾代登臨處，雲霞簇簇紅。 家邦拼熱血，壯志一飛衝。天外鳴高鳳，海西騰巨龍。 花明楊柳暗，水復嶺山重。但願盟鷗鷺，不須燃戰烽。	組詩五律四首
26	優秀獎	牛能	雲南省昆明市	詠連橫	蹈海東來舉戰旗，先驅未列黨人碑。 匡時筆似沖星劍，憂國心如向日葵。 社稷存亡今有譜，江山破碎豈無詩。 翻篇多是孤兒淚，說到遺民語更悲。	七言律詩
27	優秀獎	曾小平	福建省廈門市	念奴嬌-詠連橫	海疆遙闊，見層濤怒馬，駕潮來去。回首台澎成陣列，連作神州門戶。日月奇潭，玉山高嶽，此愛都心住。長空同碧，共看雲霓飛舞。 千載故史飄零，十年搜積，血脈文章聚。九域興亡關底事，豈是虛無煙霧。媽祖尊崇，郡王祭祀，兩岸何差誤。瀛洲塵事，時時聽到播鼓。	詞念奴嬌
28	優秀獎	方小葉 號閑閑齋	廣東省廣州市 逸社成員	念奴嬌-連橫先生	江山多難，記閩台百載，魚龍爭舞。黯淡長天雲欲凝，煙闊濤橫無阻。忽奮蒼髯，掀騰帆海，觸目驚風雨。平生襟抱，慨然都付詩句。 遙想蓬島潛居，春秋妙筆，珍重人間訴。總奈臨歧成悵望，隔岸神京何處。飽挹溪流，高攀岩桂，行跡憑誰數。壯懷猶酹，夢魂應覓歸路。	詞念奴嬌
29	優秀獎	陳發彬	遼寧省盤錦市 盤錦市文聯	念奴嬌·詠連橫	龍溪秀色，蘊連家、千載風流人物。更向青山青史裡，認取先生高潔。塊壘填胸，瘡痍脹目，激蕩英雄血。輪囷肝膽，未曾消滅餘熱。 身後一戰留名，煙霞海曙，萬裡歸舟楫。浪卷潮聲傳水調，共賞天涯明月。合浦珠還，澎湖島聚，莫使神州缺。向東南望，帆檣來去空闊。	詞念奴嬌

連橫杯中華詩詞大賽徵書法作品活動

序號	名次	作者姓名	地區和單位	詩詞名	作品內容	體裁
30	優秀獎	趙秀敏	廣東省深圳市	水調歌頭-鼓浪嶼望海懷連橫	桑梓百年夢，風雨九州山。平生為國奔走，刀筆壯波瀾。修史誠非易事，歷劫長懷熱血，祖訓記心間。回望海潮闊，不見彩雲還。瀝肝膽，搜典籍，拭塵煙。生香卷裡，珠玉重拾韻難刪。才頌劍花詩草，更覓天涯舊館，秋月正新圓。一夕霜風勁，鯨浪到人前。	詞水調歌頭
31	優秀獎	宋玉秋	遼寧省盤錦市 盤錦市稅務局稽查局	望海潮讀《臺灣通史》詠連橫	身居台海，心懷天下，平生報國拋家。肝膽照人，形骸閱世，蕩胸意氣豪華。怒浪捲塵沙。故園望何處，烽火雲遮。青史青山，料從劫後看繁華。余杭舊憶清嘉。向澎湖索引，九域須誇。疇昔版圖，如今歲月，雅堂夢裡曾賒。千里共歸槎。念兒孫猶記，兩岸煙霞。數盡鉤沉往事，把酒共天	詞望海潮
32	優秀獎	王雙武	江蘇省泰州市	詠連橫	遺烈丕承不帝清，夢縈大陸守台彭。 壯年抗日奮揮筆，晚歲嘔心猶請纓。 詩草長追杜工部，風標何遜鄭延平。 只今滄海拍天響，恍聽斯人呵壁聲。	七言律詩
33	優秀獎	宋彬	上海	金縷曲·讀連橫先生《臺灣通史》有作	甚矣乾坤仄。更奔波、幾番蹈海，幾番遊歷。時局驚醒詩人夢，看取神州鼎革。問兩間、誰能拯溺。落寞歸來猶不餒，但堅心、伏案書今昔。文字裡，風雲集。 憂葵終不忘家國。閱滄桑、勤身未已，志存刪述。山島春秋湮埋久，冷落許多簡冊。賴公有、縱橫麟筆。千百年來崇替事，待鉤沉、無數英雄跡。掩卷罷，熱中臆。	詞金縷曲
34	優秀獎	吳江	四川省遂寧市	劍花室詩集讀後且題	掩卷憑窗訝徹宵，劍花詩膽愧吾曹。 支離故國五千載，牽繫孤舟百丈濤。 海峽以東誰此力？玉峰之上乃其高。 後來相共雅堂語，風滿層城一引毫。	七言律詩
35	優秀獎	馬瑞新	山東省龍口市	讀《臺灣通史》緬懷連橫先生	海峽望穿淚不禁，簫聲劍氣伴長吟。 豈甘寶島如萍掛，欲向神州拯陸沉。 椽筆何妨充史筆，文心幸可燭民心。 此身應覓放翁去，且待春潮報捷音。	七言律詩
36	優秀獎	朱建波	遼寧省丹東市	滿江紅-連橫先生《臺灣通史》出版一百周年	寶島瀛州，今古事、滄桑盡閱。攬多少、江山形勝，風雲人物。烽火每牽家國恨，浪潮猶濺英雄血。更艱辛、大節最分明，公能說。 殊未已，忠魂烈。重待補，金甌缺。念百年倏忽，遙看孤絕。但使靈犀通兩岸，還將夙志思先哲。撫長編、慷慨復高歌，襟懷徹。	詞滿江紅
37	優秀獎	林素芳	廣東省揭陽市	念奴嬌·過廈門訪連橫文化研究院有懷雅棠先生	聽潮臨海，倩誰人佇立，遙望鄉國。青史青山千載事，此日俱成遺跡。風雨雞鳴，金甌地缺，腸斷瀛州客。關河歸夢，念新亭楚囚泣。 遙想海上燕雲，劫灰零亂，大漢樓船失。心事悠悠何限恨，剩得如椽文筆。十稔書成，版圖重補，不許教虧蝕。憑高登覽，岸波茫渺煙隔。	詞念奴嬌
38	優秀獎	杜天明	黑龍江杜爾伯特蒙古 族自治縣巴彥查幹鄉 巴彥他拉村	讀連橫《臺灣通史》	通融史筆幾鉤沉，台海遙遙托寸心。 惆悵人懷無限意，分明字有不平音。 殖民可恨隔千障，領土從來抵萬金。 書脊長留杜鵑血，每回探看感同深。	七言律詩

連橫杯中華詩詞大賽徵書法作品活動

序號	名次	作者姓名	地區和單位	詩詞名	作品內容	體裁
39	優秀獎	田素東		過廈門憶連橫先生	神州誰與和詩壇，夜讀當空激海瀾。 香雪梅經三萬劫，劍花光射七星寒。 孤臣司馬山河淚，正氣雲孫鐵石肝。 猶有英風今不去，澎湖更上九霄看。	七言律詩
40	優秀獎	房舫	山東省淄博市	詠連橫先生《臺灣通史》	臺灣固無史，舊志多謬記。呼荷為島夷，鄭公海寇視。 國滅史不滅，郢書豈燕說？欲取金匱書，成此名山業。 修史固不易，台史修更難。況復逢亂世，孰敢此登攀？ 連公昭神明，弘誓力拔山。斷簡與殘編，搜羅倍辛艱。 郭公和夏五，疑信互相參。法眼唯摒棄，巷議雜街談。 發憤十稔力，八十有八篇。上追隋唐拓，終於馬關恥。 縱橫千載下，鉅細無一遺。子長孟堅識，梨洲亭林文。 成此煌煌作，足以慰天人。 噫籲噓，青史仰班馬，台史仗連橫。先生攬古之心悠然遠，豈以稗乘附九流？東海揚塵其來久，良史英名永不朽。昔聞“淒涼讀盡支那史，幾個男兒非馬牛”，但公浮海來台越七世，積善袞袞生公侯，更有連戰複連勝，箕裘克紹達千秋！	五言排律
41	優秀獎	莫增清	廣西忻城	讀《臺灣通史》	讀到割台幽恨生，百年磨難竟何成。 憂時淚盡書尤重，愛國心沉字不輕。 軍失轅門言感慨，民傷海島記分明。 滔滔浪拍餘音遠，掩卷依然意未平。	七言律詩
42	優秀獎	謝鵬主	湖南省邵陽市	過連橫先生家宅馬兵營故址有感	一支史筆壓戎鞍，司馬功勳比並看。 肯策麟兒報鄉國，豈容寶島換衣冠。 屯兵宅第光凌冽，瀝血文章氣鬱蟠。 兩岸同人來謁處，嘉聲如海正漫漫。	七言律詩